

般舟三昧經卷上

一名十方現在佛罪 一此号九卷 一悉在前立定經

後漢月支三藏支婁迦識譯

問事品第一

聞如是一時佛在羅閱祇迦鄰竹園中與大比丘眾比丘五百人皆是阿羅漢諸漏已盡無復塵垢生死悉除而得自在心已解脫照

子華

明於慧譬如大龍聖智通達所作已辦衆行具足棄捐重擔所欲自從已捨諸有其行平等得制其心度於彼岸唯除一人賢者阿難尔時有菩薩名毘陀和與五百菩薩俱皆持五戒晡時至佛所前以頭面著佛足却坐一面并與五百沙門俱至佛所前為佛作禮却坐一面時佛放威神諸比丘所在遠方無不來者即時十萬比丘俱相隨來會佛所前為佛作禮却坐一面佛復放威神摩訶波和提比丘尼與三萬比丘尼俱相隨至佛所前為佛作禮却坐一面佛復放威神羅鄰那竭菩薩從墮舍利大國出橋目兜菩薩從占波大

國出那羅達菩薩從波羅斯大國出須深菩薩從迦羅衛大國出摩訶須薩和菩薩與阿難邠坻迦羅越俱從舍衛大國出因坻達菩薩從鳩睺彌大國出和倫調菩薩從沙祇大國出一菩薩各與二萬八千人俱來到佛所前為佛作禮皆却坐一面羅閱祇王阿闍世與十萬人俱來到佛所前為佛作禮却坐一面四天王釋提桓因梵摩三鉢摩夷巨天阿迦尼吒天各各與若干億億百千天子俱來到佛所前為佛作禮却坐一面難頭和難龍王婆竭龍王摩難斯龍王阿耨達龍王各各與若干龍王億億百千萬俱來到佛所前為佛作禮却坐一面四面阿須倫王各與若干阿須倫民億億百千萬俱來到佛所前為佛作禮却坐一面時諸比丘比丘尼優婆塞優婆夷諸天諸龍諸阿須倫民諸閻叉鬼神諸迦留羅鬼神諸真陀羅鬼神諸摩睺勒鬼神諸人非人無央數都不可計跋陀和菩薩

從座起整衣服叉手長跪白佛言願欲有所問既問者欲有所因故天中天聽我言者今當問佛佛告跋陀起菩薩所用故者便問佛當為汝說之跋陀起菩薩問佛言菩薩當作何等三昧所得智慧如大海如須彌山所問者不疑終不失人中之將自致成佛終不退

罪一

般舟三昧上

二

四

終不生愚癡之處豫知去來之事未曾離佛時若於夢中亦不離佛端正姝好於眾中顏色無比少小常在尊貴大姓家生若其父母兄弟宗親知識無不敬愛者高才廣博所議作者與眾絕異自守節度常內慙色終不自大常有慈哀智慮通達於智中明無有與等者威神無比精進難及入諸經中多入諸經中諸經中無不解者安樂入禪入定入空無所想無所著於是三事中不恐多為人說經便隨護之在所欲生何所自恣無異本功德力所信力多所至到處其筋力強無不欲愛力無不有根力明於所向力明於所念力明

於所視力明於所信力明於所願力在所問如大海無有減盡時如月盛滿時悉徧照無有不減明者如日初出時如炬火在所照無所罣礙不著心如虛空無所止如金剛鑽無所不入安如須彌山不可動如門闥正住堅心軟如鵠毛無有鹿棄身無所貪慕樂於山

川如野鹿常自守不與人從事若沙門道人多所教授皆護視若有輕媿者終無瞋恚心一切諸魔不能動解於諸經入諸慧中學諸佛法無有能為作師者威力聖意無有能動搖者深入之行常隨無所行常柔弱於經中常悲承事於諸佛無有馱所行種種功德悉

罪一

般舟上

三

四

所作者度無有極一切餘道無有能及者未嘗離佛不見佛常念諸佛如父母無有異稍得諸佛威神悉得諸經明眼所視無所罣礙諸佛悉在前立譬如幻師自在所化作諸法不豫計念便成法亦無所從來亦無所從去如化作念過去當來今現在如夢中所有分身悉徧至諸佛刹如日照水中影悉現所念悉得如響亦不來亦不去生死亦如影之分便所想識如空於法中無想莫不歸仰者一切平等無有異於經中悉速知心不可計一切諸利心不著無所適念止於諸佛刹無所復罣礙悉入諸陀羅尼門於諸經中聞一知萬諸佛所說經悉能受持侍諸佛悉得諸力悉得諸佛威神勇猛無所難行步如猛師子無所畏於諸國土無不用言者所聞者未嘗有忘時一切諸佛之議等無有異悉了知本無經不恐欲得諸經便自知說如諸佛終無厭為世間人之師無不依附者其行方福

無有諂偽諸刹照明眼不著於三處所行無所罣礙於眾輩中無所適於本際法中無所慕於薩芸若教人入佛道中未曾恐怖無有畏懼時悉曉知佛諸經所有卷所在眾會中無不蒙福者見佛極大慈歡喜所學諸佛經通利於大眾中無所畏於大眾中無有能過者名聲極遠破壞諸疑難無不解者於經中極尊於師子座上坐自在如諸佛法教悉曉知佛萬種語悉入萬億音愛重諸佛經常念在左右則未曾離於諸佛慈於佛經中樂行常隨佛出入常在善知識邊無有厭極時於十方諸佛刹無所適止悉速得願行度脫十

罪一 般舟上

四

四

方萬民智慧珍寶悉速得經藏身如虛空無有想教人求菩薩道使佛種不斷行菩薩道未曾離摩訶衍逮得摩訶僧那僧涅極廣大道疾速得一切智諸佛皆稱譽近佛十力地一切所想悉入中一切所計悉了知世間之變悉曉知成敗之事生者滅者悉曉知入經

海寶開第一之藏悉布施悉於諸刹行願亦不在中止極大變化如佛所樂行心一反念佛悉在前立一切適不復願適無所生處十方不可計佛刹悉見聞諸佛所說經一一佛比丘僧悉見是時不持仙道羅漢辟支佛眼視不於是間終生彼間佛刹亦乃見便於是

間坐悉見諸佛悉聞諸佛所說經悉皆受譬如我今於佛前面見佛菩薩如是未曾離佛未曾不聞經佛告跋陀起菩薩善哉善哉所問者多所安隱於世間人民不可復計天上天下悉安之今若能問佛如是若能前世過去佛時所聞施行作功德所致供養若干佛

已所致樂於經中所致作道行守禁戒所致自守法行清白不煩濁輒以乞匄自食多成就諸菩薩合會教語諸菩薩用是故極大慈哀一切人民皆於等心隨時欲見佛即見佛所願廣大甚深之行常念佛智慧悉持經戒具足佛種聖心如金剛悉知世間人民心所

罪

般舟三昧上

五

四

念悉在諸佛前佛告跋陀起菩薩若功德以不可復計佛言今現在佛悉在前立三昧其有行是三昧者若所問者悉可得跋陀起菩薩白佛言願佛哀說之今佛說者多所過度多所安隱願佛為諸菩薩現大明佛告跋陀起菩薩一法行常當習持常當守不復隨餘

法諸功德中最尊第一何等為第一法行是三昧名為現在佛悉在前立三昧

般舟三昧經行品第二

佛告跋陀起菩薩若有菩薩所念現在定意向十方佛若有定意一切得菩薩高行何等為定意從念佛因緣向佛念意不亂從得點不捨精進與善知識共行空除睡卧不聚會避惡知識近善知識不亂精進飯知足不貪衣不惜壽命子身避親屬離鄉里習等意得悲喜心護行棄蓋習禪不隨色不受陰不入衰不念四大不失意不貪性解不淨不捨十方人活十方人十方人計為我所十方人計為非我所一切

不欲受不買誠習定行欲諷經不中犯戒不失定意不疑法不諍佛不却法不亂比丘僧離妄語助道德家避癡人世間語不喜不欲聞道語具欲聞亦喜從因緣畜生不欲聞六味習爲五習爲離十惡爲習十善爲曉九惱行八精進捨八懈怠爲習八使爲習九思八大人念又不著禪聞不貢高棄自大聽說法欲聞經欲行法不隨歲計不受身相離十方人不欲受不貪壽爲了陰不隨或爲不隨所有求無爲不欲生死大畏生死計陰如賊計四大如蛇十二衰計空久在三界不安隱莫忘得無爲不欲貪欲願欲棄生死不隨人諍不欲墮生死常立佛前受身計如夢以受信不復疑意無有異一切滅思想過去事未來事今現在事等意常念諸佛功德自歸爲依佛定意得自在不隨佛身相法一切一計不與天下諍所作不諍從因緣生受了從佛地度得可法中法中得下以了空意計人亦不

非一

般舟上

六

因

有亦不滅自證無爲黠眼以淨一切不二覺意不在中邊一切佛爲一念入無有癡黠無有能訶自得曉覺意故佛黠不從他人待得善知識計如佛無有異意一切在菩薩無有離時縱一切魔不能動一切人如鏡中像見一切佛如畫一切從法行爲入清淨菩薩行如是佛言持是行法故致三昧便得三昧現在諸佛悉在前立何因致現在諸佛悉在前立三昧如是跋陀想其有比丘比丘尼優婆塞優婆夷持戒完具獨一處止心念西方阿彌陀佛今現在隨所聞當念去是間千億萬佛刹其國名須摩提在衆菩薩中央說經一切常念阿彌陀佛佛告跋陀想譬如人卧出於夢中見所有金銀珍寶父母兄弟妻子親屬知識相與娛樂喜樂無背其覺已爲人說之後自淚出念夢中所見如是跋陀想菩薩若沙門白衣所聞西方阿彌陀佛刹常念彼方佛不得缺戒一心念若一日晝夜若七日

七夜過七日已後見阿彌陀佛於覺不見於夢中見之譬如夢中所見不知晝不知夜亦不知內亦不知外不用在冥中故不見不用有所蔽礙故不見如是跋陀和菩薩心當作是念時諸佛國境界名大山須彌山其有幽冥之處悉為開闢目亦不蔽心亦不礙是菩薩

業一

七

四

薩摩訶薩不持天眼徹視不持天耳徹聽不持神足到其佛刹不於是間終生彼間佛刹乃見便於是間坐見阿彌陀佛聞所說經悉受得從三昧中悉能具足為人說之譬如有人聞墮舍利國中有姓女人各須門若復有人聞姓女人阿凡和利若復有人聞優婆洹作姓女人是時三人皆在羅閱念其人未曾見此三女人聞之姓意即為動便於夢中各往到其所是時三人皆在羅閱祇國同時念各於夢中到是姓女人所與共棲宿其覺已各自念之佛告跋陀和我持三人已付若持是事為說經使解此慧至不退轉地無上正真

道然後得佛号曰善覺如是跋陀和菩薩於是間國土聞阿彌陀佛數數念用是念故見阿彌陀佛見佛已從問當持何等法生阿彌陀佛國小時阿彌陀佛語是菩薩言欲來生我國者常念我數數常當守念莫有休息如是得來生我國佛言是菩薩用是念佛故當得生阿彌陀佛國常念如是佛身有三十二相悉具足光明徹照端正無比在比丘僧中說經說經不壞敗色何等為不壞敗色痛癢思想生死識魂神地水火風世間天上上至梵摩訶梵不壞敗色用念佛故得空三昧如是為念佛佛告跋陀和菩薩於三昧中誰當證得者我弟子摩訶迦葉因坻達菩薩須真天子及時知是三昧者有行得是三昧者是為證何等為證證是三昧知為空定佛告跋陀和乃往過去時有佛名須波日時有人行出入大空澤中不得飯食飢渴而卧出便於夢中得香甘美食飲食已其覺腹中空自念一

切所有皆如夢耶佛言其人用念空故便遠
 得無所從生法樂即遠得阿惟越致如是跋
 陀想菩薩其所向方聞現在佛常念所向方
 欲見佛即念佛不當念有亦無我所立如想
 空當念佛立如以珍寶倚瑠璃上菩薩如是
 見十方無央數佛清淨譬如人遠出到他郡

罪一

入

因

國念本鄉里家室親屬財產其人於夢中歸
 到故鄉里見家室親屬喜共言語於夢中見
 已覺為知識說之我歸到故鄉里見我家室
 親屬佛言菩薩如是其所向方聞佛名常念
 所向方欲見佛菩薩一切見佛如持珍寶著
 琉璃上譬如比丘觀死人骨著前有觀青時
 有觀白時有觀赤時有觀黑時其骨無有持
 來者亦無有是骨亦無所從來是意所作想
 有耳菩薩如是持佛威神力於三昧中立在所
 欲見何方佛欲見即見何以故如是跋陀想
 是三昧佛力所成持佛威神於三昧中立者
 有三事持佛威神力持佛三昧力持本功德

力用是三事拔得見佛譬如跋陀想年少之
 人端正姝好莊嚴以持淨器盛好麻油如
 持好器盛淨水如新磨鏡如無瑕水精欲自
 見影於是自照悉自見影云何跋陀想其所
 麻油水鏡水精其人自照寧有影從外入中
 不跋陀想言不天中天用麻油水精水鏡淨
 潔故自見其影耳其影亦不從中出亦不從
 外入佛言善哉善哉跋陀想如是跋陀想色
 清淨所有者清淨欲見佛即見見即問問即
 報聞經大歡喜作是念佛從何所來去到何
 所自念佛無所從來我亦無所至自念三處
 欲處色處無想處是三處意所為耳我所念
 罪一 般舟三昧上 九 因
 即見心作佛心自見心是佛心是怛薩阿竭
 心是我身心見佛心不自知心不自見心
 心有想為癡心無想是泥洹是法無可樂者
 皆念所為設使念為空耳設有念者亦了無
 所有如是跋陀想菩薩在三昧中立者所見
 如是佛亦時頌偈言

心者不知心 有心不見心 心起想則癡
無想是泥洹 是法無堅固 常立在於念
以解見空者 一切無想念

般舟三昧經四事品第三

菩薩有四法疾速得是三昧何等為四一者
所信無有能壞者二者精進無有能逮者三
者所入智慧無有能及者四者常與善師從
事是為四菩薩復有四事疾得是三昧何等
為四一者不得有世間思想如指相彈頃三
月二者不得卧出三月如指相彈頃三者經
行不得休息不得坐三月除其飯食左右四
者為人說經不得望人衣服飯食是為四菩
薩復有四事疾得是三昧何等為四一者合
會人至佛所二者合會人使聽經三者不嫉
妬四者教人學佛道是為四菩薩復有四事
疾得是三昧何等為四一者作佛形像若作
畫用是三昧故二者用是三昧故持好疋素
令人寫是三昧三者教自貢高人內佛道中

四者常護佛法是為四佛亦時頌偈曰

常信樂於佛法 受誦是道德化
精進行解深法 立具足等慈哀
當普說佛經卷 廣分布道法教
慎無得貪供養 無所著得是法
在不正瞋恚興 意善解便離欲

常樂定三昧禪 謹慎行得是法
當念佛本功德 天金色百福相
諸種好有威德 現譬如像金山
悉見知諸世間 過去佛及當來
并現在人中尊 天中天皆說是
當供養斯善救 上好華衆擣香

欣踊心奉飯食 得是法終不久
鼓琴瑟諸妓樂 簫成供佛形像
欣然意悅無量 尊道法得不難
當造起佛形像 諸相好若干種
黃金色無穢漏 疾速得是道尊
堅固教常以前 聽是法無亂心

常捨離解怠行 得三昧疾不久

無恚害向他人 當行哀得慈法

普救護功德地 得三昧疾不久

常恭敬於法師 當奉事如世尊

無得惜是經法 得三昧疾不久

慎無得疑斯經 佛讚是正道化

一切佛所歌歎 得三昧疾不久

佛告跋陀起如是菩薩當慈心當樂於善師

所視師當如佛悉具足承事欲書是三昧經

時若欲學時菩薩敬師如是跋陀起菩薩於

善師有瞋恚有持善師短視善師不如佛者

得三昧難譬如跋陀起明眼人夜半視星宿

見星宿甚眾多如是跋陀起菩薩持佛威神

於三昧中立東向視若干百千佛若干百萬

佛若干百億佛如是十方等悉見諸佛佛告

跋陀起是菩薩如佛眼悉知見如是跋陀起

是菩薩欲得見今現在諸佛悉在前立三昧

布施當具足持戒如是忍辱精進一心智慧

罪一 般舟上

十一

目

度脫智慧身悉具足佛尔時頌偈曰

譬如有人眼清淨 於夜中半而起觀

仰見星宿無數千 書日思念皆識知

菩薩如是得三昧 見無央數百千佛

皆識念知於諸佛 則為眾會說世雄

譬如今我覺眼明 清淨無垢見世間

佛子菩薩眼若此 三昧普達見世尊

終不復起吾我想 見十方佛人中尊

除毒清淨無想念 觀此菩薩奇特行

遠聞尊法寂然義 速疾得解空定行

今我亦訓於是法 以成佛道多所安

如阿彌陀國菩薩 見無央數百千佛

得是三昧菩薩然 常見無數百千佛

比丘阿難如勇猛 從我聞法皆受持

速得三昧亦如是 聞無數法悉奉持

當信三昧疾持行 悉棄世間諸所有

常樂斯經行法施 疾得清淨寂定地

般舟三昧經譬喻品第四

佛告跋陀起菩薩慈求三昧者得是三昧已
不精進行者譬如跋陀起有人載滿般珍寶
欲持渡大海未至船中道壞閻浮利人皆大
悲念亡我爾所珍寶如是跋陀起是菩薩聞
是三昧已不書不學不誦不持如中法一切
諸天人民皆爲大愁憂言乃亡我爾所經寶

用失是深三昧故佛言是三昧經者是佛所
囑佛所稱譽聞是深三昧經者不書不學不
誦不守不持如法者無返復愚癡人自用以
爲高不受是經意欲高才反不肯學是三昧
譬如跋陀起愚癡之子有人與滿手栴檀香
不肯受之反謂與之不淨栴檀香貨主語其

人言此栴檀香卿莫謂不淨乎且取嗅之知
香不試視之知淨不癡人閉目不視不肯嗅
佛言其人聞是三昧者如是不肯受之反棄
捨去是爲不持戒人反捨是珍寶經是爲愚
癡無智自用得禪具足爲度反呼世間爲有
不入空不知無其人聞是三昧已不樂不信

罪一 般舟上

十二

四

不入中反作輕戲語佛亦有深經乎亦有威
神乎反形言世間亦有比丘如阿難乎佛言
其人從持是三昧者所去兩兩三三相與語
云是語是何等說是何從所得是語是爲自
合會作是語耳是經非佛所說佛告跋陀起
譬如賈客持摩尼珠示田家癡子其人問賈
客平此幾錢賈客報言夜半時於冥處持摩
尼珠著冥中其明所照至直滿其中寶佛言
其人殊不曉其價反形是摩尼珠言其價能
與一頭牛等不寧可買一頭牛想是不復過
與我者善不肯者已如是跋陀起其人聞是
三昧不信者反形是經如是佛言如菩薩持
是三昧受信者便隨行四面皆擁護無所畏
持禁戒完具爲得高明點慧深入爲他人說
之菩薩當持是三昧分布語人展轉相傳令
是三昧久在佛言癡人自於前世佛所不供
養不作功德反自貢高多行誹謗嫉妬用財
利故但欲求名但欲譁說不得善師亦不明

經聞是三昧已不信不樂不入中反誹謗人
 言是彼不知愧為自作是經耳是經非佛所
 說佛告跋陀我今具語汝如是跋陀起求
 菩薩道者若善男子善女人持是三昧國土
 滿其中珍寶施與佛設有是功德不如聞是
 三昧若有菩薩聞是三昧信樂者其福轉倍
 多佛亦時頌偈言

假使三千界	滿中珍寶施	供養佛世尊
以用求佛道	設復有比丘	聞是佛三昧
信樂而不疑	其福過彼上	諛諂懷自大
無信在凶害	與惡師相隨	不信是法教
犯戒近惡友	堅在自貢高	各各共議言
是經非佛語	佛不說是議	為自共合造
此非法王教	共誹謗如斯	竟無有是語
此為誹謗佛	有樂道法者	我故為說耳
有聞是經者	仁賢而喜悅	其心常不疑
不言非佛說	奉禁戒清淨	受法諷誦利
執經普講說	則具足道義	

佛告跋陀起我所說無有異亦故說是語耳
 今見我說是三昧者其人却後世時聞是三
 昧終不疑不形笑不言不信除在惡師邊正
 使在善師邊其功德薄少如是輩人復轉
 與惡師從事是輩人者聞是三昧不信不樂
 不入中何以故其人未久學所更佛少所信
 智慧少故不信耳佛告跋陀起其有菩薩聞
 是三昧不形笑不誹謗者歡喜不中疑不言
 乍信乍不信樂書樂學樂誦樂持佛言我悉
 預知預見已其人不獨於一佛所作功德不於
 二若三若十悉於百佛所聞是三昧却後世
 時聞是三昧者書學誦持經卷最後守一日
 一夜福不可計自致阿惟越致所願者得佛
 告跋陀起聽我說譬喻如是跋陀起有人取
 一佛剎破碎如塵其人取此一塵悉復破碎
 如一佛剎塵都虛悉取一一塵皆復塵破盡
 如一佛剎塵云何跋陀起是塵其數寧多不
 跋陀起言甚多甚多天中天佛告跋陀起我

為若曹引此譬喻若有一菩薩盡取此塵一塵置一佛刹其數亦數佛刹滿其中珍寶悉持供養諸佛不如聞是三昧若一菩薩聞是三昧已書學誦持為他人說守須臾間是菩薩功德不可復計佛言持是三昧者書學誦持為他人說其福乃亦何況守是三昧悉具

罪一 般舟上

十四

因

足者佛亦時頌偈言

三千大千之國土

滿中珍寶用布施

設使不聞是經像

其功德福為薄少

若有菩薩求眾德

當講奉行是三昧

疾信諷誦此經法

其功德福無有量

如一佛國塵世界

皆破壞碎以為塵

彼諸佛土過是數

滿中珍寶用布施

其有受持是世尊

四句之義為人說

是三昧者諸佛慧

得聞功德叵比喻

何況有人自講說

受持諷誦念須臾

轉加增進奉行

其功德福無有量

假使一切皆為佛

聖智清淨慧第一

皆於億劫過其數

講說一偈之功德

至於泥洹讚詠福

無數億劫悉歎誦

不能盡究其功德

於是三昧一偈事

一切佛國所有地

四方四隅及上下

滿中珍寶以布施

用供養佛天中天

若有聞是三昧者

得其福祐過於彼

安諦諷誦講說者

引譬功德不可喻

其人貢高終不起

亦無有趣惡道時

解了深法不疑結

行斯三昧得如是

學士為以見奉喜

德重精進普不著

增益信明為菩薩

力學三昧佛所讚

囑累汝等常勤教

力行精進無放逸

自勗勇猛勤修行

令得大道不復久

其有誦受是三昧

已為面見百千佛

假使最後大恐懼

持此三昧無所畏

行是比丘以見我

常為隨佛不遠離

菩薩聞習三昧者

義當受持為人說

菩薩得是三昧者

爾乃名曰博達慧

為速總持佛稱譽 疾成佛道智如海
常恒誦說是三昧 當從佛法世尊教
聞其種性得等覺 如佛所歎無有異

十五末

佛說般舟三昧經卷上

罪一

識楚禁反羅閱下音悅亦棄捐二字音臆想

上亦作跋蒲時上必邠城上布巾反睽彌

末反下音和下音悅亦鑽下音門閫下音也

軟字鵠毛上胡輕嬌下音所適下

的云若下汝者反訶衍下音也

僧涅下況結反子身上居實莫候反乞

勾下音點音子身上居實莫候反乞

完具上惠官反娛樂上音蔽礙上必開

關反下瘡痒二同音姝好上反瑕音

也惡琴瑟下音鯁許賈客上音譁說上音

諛諂上羊朱反博字叵下音四隅下音

勗許五反

般舟三昧經卷中

後漢月支三藏支婁迦讖譯

無著品第五

佛告跋陀想是菩薩三昧當云何譬如佛今於若前說經菩薩當作是念諸佛悉在前立當具足念諸佛端正悉欲遠見一一相當想識無有能見諸佛頂上者悉具足作是想見諸佛當作是念我身亦當遠得如是亦當遠得身相如是亦當遠得持戒三昧如是當作是念我當從心得從身得當復更作念佛亦不用心得亦不用身得亦不用心得佛亦不用色得佛何以故心者佛無心色者佛無色不用是心色得阿耨多羅三藐三菩提何以故佛色以盡佛痛癢思想生死識了盡佛所說盡者愚癡不見不知智者曉了之作是念當持何等念得佛當持身得佛當持智慧得佛復作是念亦不用身得佛亦不用智慧得佛何以故智慧索不可得自復索我了不可